

Kommunit ataatsimoorussamik eqqakkanut iluarsiissutissaat

Kommunit ataatsimoorussamik eqqagassanut tunngatillugu piginneqatigiiffimmik pilersitsiniarnerat

Aalajangiiffisassaq

J.nr: 01.04-A30-16-18

Sanarfinermut Avatangisnullu Ingerlatsivik – pisortaq, Hans Henrik Winther Johannsen / HHWJ

Suliassamik eqikkaaneq

Naalackersuinikkut Ataqqatigiissaarisartoqqatigiit (PKG) septembarip 25-anni ataatsimiinneranni, Kalaallit Nunaanni kommunit ataatsimoorussamik eqqagassanut tunngatillugu iluarsiissuteqarnissaat pillugu suliap ingerlatseqqinneqarnissaa aalajangiunneqarpoq.

Suliniummumt atatillugu ataatsimoorussamik eqqagassanut tunngatillugu piginneqatigiiffimmik suliamik ingerlatsisussamik pilersitsisoqassaaq. Piginneqatigiiffiup suliassaa pingarneq tassaavoq kommunit akornanni suleqqatigiilersitsinikkut kiisalu eqqagassalerinerumt tunngasunik arlalinnik pilersitsinikkut Kalaallit Nunaanni illersorneqarsinnaasumik eqqagassalerinerup qulakkeerneqarnissaa.

Aningaasaqarnerumt Inuusutissarsiornermullu Ataatsimiititap 2018-imi novembarip ulluisa 8-ianni ataatsimiinnermini suliap akuersissutigivaa Kommunalbestyrelsimullu inaarutaasumik akuersissutigisassanngorlugu ingerlatseqqillugu.

Inassuteqaat

Aningaasaqarnerumt Inuusutissarsiornermullu Ataatsimiititap Kommunalbestyrelsimut inassuteqaatigaa:

- Suliap inaarutaasumik Kommunalbestyrelsip akuerissagaa. Kommuneqarfik Sermersuup, Kalaallit Nunaanni kommunit allat peqqatigalugit, ataatsimoorussamik eqqagassanut tunngatillugu piginneqatigiiffimmik pilersitsinissaa akuersissutigineqassasoq.
- Kommuunit katillugu 2 mio. kr.-inik suliffeqarfimmumt aningaasaliissasut. Kommunit aningaasaliissutaat kommunit akornanni agguaqatigiisillugu 400.000 kr.-inik aningaasaliissasut aallarnisaassutissatut akuerineqassasoq, aammalu
- Kommunaldirektørip kommunimit sinniisutut piginneqatigiiffimmi siulersuisuni aallartitaanissaa akuerineqassasoq

Suliassamik saqqummiussineq

Naalackersuinikkut Ataqqatigiissaarisartoqqatigiit (PKG) septembarip 25-anni ataatsimiinneranni, Kalaallit Nunaanni kommunit ataatsimoorussamik eqqagassanut tunngatillugu iluarsiissuteqarnissaat pillugu suliap ingerlatseqqinneqarnissaa aalajangiunneqarpoq.

Suliniummumt tunuliaqut

Ullumikkut Nunatsinni eqqakkat isumagisinnaasavut 30 %-iinik qaangerlugit eqqaavugut. Tamatuma kinguneranik eqqakkat sularineqanngitsunik peqqissutsimullu ajoqusiinnaasut amerliartorput, pingaartumik nunaqarfinni illoqarfinnilu mikinerusuni. Inoqarfippassuarni eqqakkanik sularinnittarfiit ingerlanngillat, ullumikkullu eqqakkanik sularinniffiit ingerlasut, pisoqalillutillu nungullarput. Sularinniffipassuit eqqakkanik annikitsunik tigooraasinnaasut ingerlanneqarput putsumillu navianartumik innuttaasunut ajoqutaasumik akornusiisumillu mingutsitsillutik, soorluttaaq imeq ikuallaanermiit pujoralannik mingutsinneqaratarsinnaasartoq. Eqqaavissuarni eqqakkat amerliartuinnarnerat tipimik, uumasupiloqalerneranik eqqaanilu imaanut mingutsitsinermik kinguneqarsinnaavoq. Ikuallaaviit sanaartorneqarnermikkut nunani tamalaani

nalinginnaasumik piumasaqaataasunut naleqqiullugit putsup isumaginissaanut periarfissaqangillat peqqissutsimullu ajoqusiisinnaasutut nalilerneqarlutik.

Kalaallit Nunaanni ullumikkut eqqakkanik passussineq kommuninit isumagineqartarpoq – katersorneqarneri ikuallanneqarnerilu.

Peqqissuunissaq avatangiisillu eqqarsaatigalugit najukkani ikuallaaviit mikisut amerlasuut atorunnaarlugit Kalaallit Nunaanni ikuallaavissuit marluk pilersinneqartariaqarput, taakkulu eqqakkanik amerlanerusunik tigooraasinnaasariaqarput. Taamaalilluni nuna tamakkerlugu eqqakkat illersorsinnaasumik isumagineqarsinnaaniassammata. Tamatumunnga peqatigitillugu eqqakkat nukissatut mingutsitsinngitsumik nukissiuteqarnermut atorluarneqartarnissaat eqqarsaatigineqartariaqartoq pingaaruteqarpoq.

Naalackersuinikkut Ataqqatigiissaarisartoqqatigiit (PKG) 2018-imi septembarip 25-anni ataatsimiinneranni aalajangiunneqarpoq: Kommunit ataatsimoorussamik eqqagassanut tunngatillugu piginneqatigiiffiliussasut.

Piginneqatigiiffiornissaq pisariaqarpoq, piginneqatigiiffik assigiinngitsunik suliassaqarmat, tassunga ilanngullugu pilersaarusiornermut kingornalu sanaartornermut sanaartortitsisuullunilu sinniisuussammat ukununnga:

1. Nuummi eqqagassanut akunnittarfik
2. Sisimiuni ikuallaavik
3. Nuummi ikuallaavik
4. Qaqortumi uuliakumik ikuallaanissamut iluarsisut
5. Aasianni uuliakumik ikuallaanissamut iluarsisut
6. Maniitsumi uuliakumik ikuallaanissamut iluarsisut (periarfissaqarpat))

Piginneqatigiiffiornermut atatillugu Naalackersuisut Avatangiisinut Aningaasaateqarfimmit 6 mio. koruunit tungaannut kommunit ataatsimoorussamik eqqagassanut tunngatillugu piginneqatigiiffiup sukumiisumik pilersaarusiornissaanut tapersiinissaa pisariaqarportaaq.

Saniatigullu piginneqatigiiffiup, kommunimi eqqagassalerinermut teknikikkut sulisui peqatigalugit, eqqakkat tigoorarnerannut nassiunnerannullu suleriaatsit malittarisassallu eqqortut suliarissavai ineriartortillugillu, soorlu aamma suliffeqarfiit avataanit aningaasaliiffigineqarnissaannut, ingerlatsinermut isumaqqatigiissusiornissamut, avataaniit suleqatit tulluurtut nukissiuit atorluarneqarnissaannut isumaqqatigiissusiornissamut piginneqatigiiffik piginnaatinneqassasoq. Naalackersuinikkut Ataqqatigiissaarisartoqqatigiit aalajangerannut toqqammavik tassaavoq kommunit ataatsimoortumik eqqagassalerinermut siunissami 2018-imiit isumagineqarnissaannik inassuteqaat, taannalu tunngavigalugu Piginneqatigiiffiortoqqarnissaa siunniunneqarpoq.

Aaqqiissutissatut siunnersuut – suliatigut naliliineq

Siuliini pineqartut tunngavigalugit Sanarfinermut Avatangiisinullu Ingerlatsiviup kommunillu sinnerisa teknikikkut ingerlatsiviisa inassuteqaatigaat, kommunit ataatsimoortumik piginneqatigiiffiliussasut qulakkeerniarlugu:

- Pilersaarummut piviusunngortitsinissamut inatsisitigut akisussaasoq, tassunga ilanngullugu maanna siunissamullu missingersuutinik allanillu aningaasaqarnermut tunngasunik isumaginnineq.
- Piginneqatigiiffimmi siulersuisunik qinersineq, taakkulu piaartumik Piginneqatigiiffiup, kommunit ataatsimoorlutik innersuussutaat tunngavigalugit, piffissaq qaninnerusoq

ungasinnerusorlu eqqarsaatigalugu iliuusissaanut najoqqutassianik pingaarnernik piffissamullu pilersaarummik suliaqassapput.

- Piginneqatigiiffiup aqutsisuisa suliffissaat sumiissanersoq siulersuisut aalajangissavaat.
- Siulersuisut utaqqiisaasumik aalajangersimasumilluunniit pisortaqatigiinnik sulisunillu pingaarutilinnik, piginneqatigiiffiup suliaasaanik piviusunngortitsisinnaasunik, atorfinitsitsissapput. Taamaaliortoqassaaq maanna eqqagassalerinerup isumagineqarnerata siunissami isumagineqalernissaanut ikaarsaariarneq eqqarsaatigineqassamat piginneqatigiiffimmi aqutsisut atorfinitsinneqarnerannut atatillugu.

Kommunit ataatsimoorussamik eqqagassalerinermut piginneqatigiiffissaat aktianik piginneqatigiiffittut pilersinneqarnissaa inassuteqaatigineqarpoq.

Piginneqatigiiffiup atuuffia Pisortaqatigiinnit aquneqassaaq, pisortaqatigiillu piginneqatigiiffiup Siulersuisuisa ataanni inissisimassapput.

Siulersuisuniittussatut inuit arfinillit, kommunit immikkut tamarmik Namminersorlutik Oqartussallu sinnisoqarlutik, ilaasortaassasut inassutigineqarpoq: Kommunini ataasiakkaani kommunaldirektøri imaluunniit tassunga sinniisup inissat tallimat agguataassavai, Namminersorlutik Oqartussallu ataatsimik aalajangeeqataasinnaanani ilaasortaassummik tunineqassallutik.

Kalaallit Nunaat tamakkerlugu ataatsimoorussamik eqqagassalerinermik iluarsisooqarnissaa avatangiisinut assut iluaqutaassasoq nalilerneqarpoq.

Aningaasaqarnikkut sulisoqarnikkullu naliliinerit

Piginneqatigiiffimmut tunngatillugu aningaasartuutit kommuninut agguataarneqarnissaa piginneqatigiiffiup pilersinnerannut kommunillu allat oqaloqatiginerisigut qulaajarneqassapput.

Ataatsimoortumik eqqagassalerinermut iluarsinikkut annertuumik ingerlatsinikkut assigiinngitsutigut iluaqutaasinnaavoq, siunissamilu eqqagassalerisarneq ajornannginnerulerluni.

Inatsisitigut tunngavissaq allakkallu tunngaviusumik uppersaatitallit Soqanngilaq

Ingerlariaqqinnissaq

Kommuneqarfik Sermersuumit kommunillu sinneriniit inassuteqaatit akuerineqassappata ataatsimoorussamik eqqagassanut tunngatillugu piginneqatigiiffiup pilersinneqarnissaanut suliniut aallartinneqassaaq, takuuk llanngussaq 1.

Aningaasaqarnermut Allatseqarfimmit oqaaseqaatit

Suliaq pineqartoq Aningaasaqarnermut Allatseqarfimmit innersuussutigineqarpoq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allanit oqaaseqaatit

Pisariaqartinneqanngilaq.

Siornatigut aalajangerneq

Aningaasaqarnermut Inuussutissarsiornermullu Ataatsimiititap aalajangernera 8. novembari 2018-imeersoq:

Inassuteqaatit akuersissutigineqarput.

Sanarfinermut Avatangiisinullu Ataatsimiititap suliaq 6. november 2018 ataatsimiinnermi suliaq suliarissavaa.

Ilannugussaq

1. Piginneqatigiiffiup ikaarsaarnerup nalaani suliassaasa pingaarnerit tulleriarneqarneri.